



Pou Piblikasyon Imedya: 03/12/2021

GOUVÈNÈ KATHY HOCHUL

## GOUVÈNÈ HOCHUL ANONSE OUVÈTI EKSPANSYON 1.3 MILYON DOLA POU DEVLOPMAN LOJMAN SIPÒ NAN ROCHESTER

*Cooper Union Volunteers of America bay lojman ak sèvis sipò nan anba laval Rochester*

*Espas vid ki reyabilite a pral ajoute sèt apatman pou Nouyòkè yo ki te nan sanzabri anvan sa*

Gouvènè Kathy Hochul te anonse jodi a ouvèti konplèks lojman sipò Cooper Union nan Rochester, ki aktyèlman gen ladan 45 apatman avèk ajou sèt novo inite pou Nouyòkè sanzabri yo. Pwogram Asistans ak Lojman pou Sanzabri (Homeless Housing and Assistance Program, HHAP) nan Biwo Asistans Tanporè ak Andikap (Office of Temporary and Disability Assistance, OTDA) Eta New York la te bay 1.25 milyon dola pou pwojè 1.3 milyon dola a.

"Tout Nouyòkè merite diyite yon kote pou yo viv ki san danje epi avèk pwojè Cooper Union ki fini an, nou kapab kounye a bay kèk nan rezidan Rochester ki pi vilnerab yo yon kote ki san danje ak abòdab yo kapab rele lakay yo", **Gouvènè Kathy Hochul te deklare.** "Nou pral kontinye ranfòse opsyon lojman sipò yo nan kad efò global nou pou ede Nouyòkè yo rekipere anba pandemi an".

Volunteers of America, ki te sipòte pwojè a, t ap jere Cooper Union pandan plis pase yon deseni. Li te konstwi odepa avèk apeprè 3 milyon dola nan finansman ki soti nan Pwogram Asistans ak Lojman Sanzabri epi gen ladan 45 inite nan twa etaj siperyè yo.

Novo sèt inite yo nan premye etaj la nan yon espas komèsyal ki te vid anvan sa. Anplis de lojman an, Volunteers of America bay sèvis sipò sou plas pou ede rezidan yo abòde preyokipasyon sante, ranfòse otonomi yo ak amelyore byennèt yo.

Pwogram Asistans ak Lojman pou Sanzabri a te bay 1.25 milyon dola nan finansman kapital pou pwojè a epi Home Depot Foundation te bay 60,000 dola. Se Biwo pou Asistans Tanporè ak Andikap la k ap bay finansman operasyonèl pou sèt novo inite atravè Inisyativ Lojman Sipò Empire State (Empire State Supportive Housing Initiative, ESSH) la.

**Komisè Egzekitif Adjwen Biwo pou Asistans Tanporè ak Andikap, Barbara C. Guinn, te deklare**, "Achèvman pwojè sa a mete aksan sou wòl enpòtan Volunteers of America jwe nan bay lojman sipò nan Rochester epi nou rekonesan pou patenarya yo. Lojman sipò a enpòtan nan efò nou pou abòde sitiyasyon sanzabri ak anba lidèchip Gouvènè Hochul n ap rete angaje pou kòz sa a".

**Senatè Jeremy Cooney te deklare**, "Lojman ki sekirité ak abòdab esansyèl epi se fonnman byennèt kominote nou an. Sèt nouvo inite lojman sipò sa yo nan State Street se yon testaman sa kominote nou an kapab reyalize lè nou travay ansanm. Mwen rekonesan pou tout patnè yo epi prensipalman Volunteers of America dèske yo rann pwojè sa posib. Mwen pa ka tann pou mwen wè enpak pozitif inite sa yo pral genyen sou sila yo ki nan sitiyasyon sanzabri nan Rochester".

**Manm Asanble, Demond Meeks, te deklare**, "Amezi yon bann Nouyòkè ap fè fas avèk reyalite sanzabri a avèk kòmansman pandemi global la, nesesite pou lojman sekirité ak fyab pi enpòtan kounye a pase sa te jamm ye anvan. Yon kay ki gen diyite esansyèl pou konstwi richès jenerasyonal ak echape anba sik povrete a. Nou pa kapab atann nou pral ede rezidan ki gen difikilte ak prive de dwa yo san bay youn nan nesesite ki pi debaz yo. Mwen rekonesan pou Volunteers of America, Biwo pou Asistans Tanporè ak Andikap ak kòlèg nou yo nan eta a pou devouman yo ak moun sanzabri yo ak manm majinalize yo nan kominote nou an. Avèk lidèchip efikas, Eta New York dwe kontinye bay envestisman siyifikatif ak resous fyab pou rezidan li yo ak kominote nou an".

**Chèf Egzekitif Konte Monroe a Adam Bello te deklare**, "Lè moun yo jwenn aksè ak lojman sekirité, abòdab ak sèvis sipò, yo kapab pi byen simonte difikilte yo ak mennen lavi ki pi estab, pi an sante ak otonòm. Mwen aplodi Volunteers of America pou lidèchip yo nan elaji Cooper Union ak prioyize veteran militè nou yo pou nouvo inite apatman sa yo. Mwen remèsyé Gouvènè Hochul, Kòporasyon Asistans Lojman pou Sanzabri Eta a ak Home Depot Foundation dèske yo sipòte byennèt kominote nou an".

**Prezidan ak Direktè Egzekitif Jeneral Volunteers of America, Lynn Sullivan, te deklare**, "Lojman se yon dwa imen epi chak ane ajans nou an bay plis pase 200,000 abri lannuit. Se vrèman premye etap nan ede moun ak fanmi yo brize sik povrete ak sanzabri. Bay yon kote ki sekirité, estab pou moun viv pèmèt nou ofri tou sèvis esansyèl pou ede simonte difikilte nan lavi yo - tankou jwenn travay ak rekiper anba depandans oswa twomatis".

Pwogram Lojman ak Asistans pou Sanzabri an ap bay sibvansyon ak prè kapital pou kòporasyon san bi likratif yo, òganizasyon charitab ak reliye yo, ak minisipalite yo pou yo ka achte, konstwi, oswa repare lojman pou moun ki pa kapab jwenn lojman ki adekwat san asistans espesyal yo. Yo te bay sibvansyon yo atravè yon pwosesis konpetitif ki te fèt pa New York State Homeless Housing and Assistance Corporation (Kòporasyon Lojman ak Aistans pou Moun ki Sanzari nan Eta New York), ki se yon kòporasyon avantaj publik ki gen pèsonèl Biwo pou Asistans Tanporè ak Andikap (Office of Temporary and Disability Assistance).

Jiskaprezan nan ane sa a, pwogram lan te deja repati prèske 37 milyon dola pou 12 pwojè ki pral kreye oswa prezève 378 inite lojman sipò ak repare abri dijans yo nan tout eta a. Ane pase, pwogram lan te bay finansman pou 30 pwojè ki ta pral ajoute 881 inite lojman sipò ak repare abri dijans yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418